



Republika e Kosovës
Republika Kosova – Republic of Kosovo

Agjencia e Kosovës për Akreditim
Agencija Kosova za Akreditaciju
Kosovo Accreditation Agency



Data: 10/01/22 Ref.: 24/22

Në mbështetje të nenit 8 dhe 12 të Ligjit për Organizimin dhe Funksonimin e Administratën Shtetërore dhe të Agjencive të Pavarura Republikës së Kosovës Nr.06/L-113 (Gazeta Zyrtare Nr.07/01 mars 2019), Ligjit për Procedurën e Përgjithshëm Administrative Nr. 05/L-31 (Gazeta Zyrtare Nr.20/12 Qershor 2016), Ligjit për Arsimin e Lartë në Republikën e Kosovës Nr. 04/L-037 (Gazeta Zyrtare Nr.14/9 Shtator 2011), Udhëzimin Administrativ për Akreditimin e Institucioneve të Arsimit të Lartë në Republikën e Kosovës (Nr.15/2018, datë 28.09.2018), Manualit për Akreditimin e Institucioneve të Arsimit të Lartë, dhe të Vendimit të KShC-së, nr. 3236/21D të datës 21.09.2021; Këshilli Shtetëror i Cilësisë (KSHC), në mbledhjen e 94-të, të mbajtur më 21 dhjetor 2021, mori:

V E N D I M

I. Refuzohet kërkesa e Universitetit të Gjakovës “Fehmi Agani”, Nr. 3517/21H datë 01.11.2021 për akreditim të programeve të studimit:

- Kujdesi Shëndetësor dhe Rekreacioni, MA, 120 ECTS (Akreditim)
- Edukim Ndërkulturor, MA, 60 ECTS (Akreditim)
- Master në Albanologji, MA, 120 ECTS (Akreditim)
- Eco-Nanoteknologji, BSc, 180 ECTS (Akreditim)

II. Ky vendim hyn në fuqi me nënshkrimin e tij.

A r s y e t i m i

Universiteti i Gjakovës “Fehmi Agani” ka parashtruar kërkesë (Nr. 3517/21H datë 01.11.2021) pranë Agjencisë së Kosovës për Akreditim (AKA) për akreditim të programeve të studimit: 1) Kujdesi Shëndetësor dhe Rekreacioni, MA, 120 ECTS; 2) Edukim Ndërkulturor, MA, 60 ECTS; 3) Master në Albanologji, MA, 120 ECTS; Eco-Nanoteknologji, BSc, 180 ECTS.

1/2

Bazuar në pikën 1.2 të Nenit 10 të UA për Akreditim ku thuhet, "Në përputhje me kërkesat e këtij udhëzimi administrativ, KShC do të bëjë aprovimin e listës së stafit akademik për çdo program të studimit i cili parashtrohet për aplikim nga institucionet e arsimit të lartë. Tabelat e plotësuara në formë elektronike së bashku me deklaratat për angazhimin e stafit akademik përcillen në formë të raportit përmbledhës në mbledhjen e ardhshme të KShC-së për aprovim formal. Raporti përmbledhës për gjendjen e stafit në bazë të të dhënave të dorëzuara nga institucionet e arsimit të lartë përgatitet nga stafi i AKA-së", KShC në mbledhjen e mbajtur më 21 dhjetor 2021 ka trajtuar aplikacionin e dorëzuar nga ky Universitet.

Sipas të dhënave të prezantuara nga raporti përmbledhës për programet për të cilat ka aplikuar ky institucion, dhe pas analizimit të detajuar të dokumentacionit të prezantuar për stafin akademik, ashtu siç parashihet me Nenin 26, pika 5.3.4 e UA për Akreditim, dhe bazuar në Nenin 10, pika 1.3.2 të tij, KShC mori vendim për refuzim të aprovimit të aplikacionit për programet si në dispozitiv të këtij vendimi.

- **Për programin Kujdesi Shëndetësor dhe Rekreacioni, MA, 120 ECTS**, institucioni ka paraparë si bartës të programit: Dafina Kaqurri-Ibrahimi (PhD në Kineziologji), Kamber Zeqiraj (PhD në Neuroshkencë) dhe Ramush Bejiqi (PhD në Pediatri).

Sipas Nenit 26, pika 5.3.4 e UA për Akreditim, kërkohet që: "Për programet e studimit të cilat shpijnë deri tek marrja e një diplome shkencore Bachelor dhe Master, kërkesat për stafin akademik janë që për çdo grup të studentëve (të përcaktuar sipas statutit të IAL) dhe për çdo 60 ECTS kredi të programit të studimit, institucioni duhet të ketë të paktën një (1) staf me marrëdhënie të rregullt të punës me titull PhD nga fusha e programit të studimeve".

Pas verifikimit të dokumentacionit ashtu sic është përcaktuar me Udhëzimin Administrativ 15/2018, KShC ka konstatuar se titulli PhD i bartësit Kamber Zeqiraj nuk përkon me fushën e programit të studimit, kurse bartësi i programit Ramush Bejiqi nuk plotëson kriterin e publikimeve shkencore sipas vendimit të Këshillit Shtetëror të Cilësisë nr. 3236/21D të datës 21.09.2021 për plotësim e parimeve themelore të Manualit për Akreditim, pika 5.1 e tij, ku përcaktohet se: *Nga 1 tetori 2021, përveç kriterëve të përcaktuara me UA për akreditim, bartësit e programeve që hyjnë në proces të akreditimit në nivel BA/BSc duhet të kenë të paktën 1 (një) publikim shkencor të indeksuar nga fusha e studimit/programit, ndërsa në nivelin MA/MSc duhet të kenë së paku 2 (dy) punime nga fusha e studimit/programit në revista shkencore të indeksuara si autor i parë apo korrespondent, sipas nenit 3, pika 1.1 WEB OF SCIENCE koleksioni bërthamë (SCIE, SSCI dhe AHCI), apo 1.2 SCOPUS, duke përfshirë revistat ose shtëpitë botuese të dyshimta sipas UA 01/2018 të aprovuar nga MASHT.*

Bazuar në faktet e prezantuara me sipër dhe dispozitat ligjore të sqaruara më lartë, KShC vendosi që në mungesë të stafit adekuat, dhe bazuar në Nenin 26, pika 5.3.4 e Udhëzimit Administrativ për Akreditim, dhe në vendimin e KSHC-së nr. 3236/21D të refuzojë aprovimin e aplikacionit për programin e studimit Kujdesi Shëndetësor dhe Rekreacioni, MA, 120 ECTS.

- **Për programin Edukim Ndërkulturor, MA, 60 ECTS**, institucioni ka paraparë si bartës të programit: Kimete Canaj (PhD në Gjuhësi).

Pas verifikimit të dokumentacionit bazuar në pikën 5.1 të vendimit të Këshillit Shtetëror të Cilësisë nr. 3236/21D të datës 21.09.2021, i cili përcakton se “Nga 1 tetori 2021, përveç kritereve të përcaktuara me UA për akreditim, bartësit e programeve që hyjnë në proces të akreditimit në nivel BA/BSc duhet të kenë të paktën 1 (një) publikim shkencor të indeksuar nga fusha e studimit/programit, ndërsa në nivelin MA/MSc duhet të kenë së paku 2 (dy) punime nga fusha e studimit/programit në revista shkencore të indeksuara si autor i parë apo korrespondent, sipas nenit 3, pika 1.1 WEB OF SCIENCE koleksioni bërthamë (SCIE, SSCI dhe AHCI), apo 1.2 SCOPUS, duke përfshirë revistat ose shtëpitë botuese të dyshimta sipas UA 01/2018 të aprovuar nga MASHT, KSHC ka konstatuar se personi i paraqitur si bartës për këtë program nga Universiteti i Gjakovës “Fehmi Agani” ka vetëm një publikim shkencor në përputhje me dispoziten e vendimit të cekur më lartë.

Bazuar në faktet e prezantuara me sipër dhe dispozitat ligjore të sqaruara më lartë, KShC vendosi që në mungesë të stafit adekuat, siç kërkohet me vendimin e KSHC-së nr. 3236/21D, të refuzojë aprovimin e aplikacionit për programin e studimit Edukim Ndërkulturor, MA, 60 ECTS.

- **Për programin Master në Albanologji, MA, 120 ECTS**, institucioni ka paraparë si bartës të programit: Mimoza Hana Pllana (PhD në Filologji), Kamber Kamberi (PhD në Letërsi), Sazan Kryeziu (PhD në Letërsi), dhe Gentiana Muhaxhiri (PhD në Letërsi).

Pas verifikimit të dokumentacionit bazuar në pikën 5.1 të vendimit të Këshillit Shtetëror të Cilësisë nr. 3236/21D të datës 21.09.2021, i cili përcakton se “Nga 1 tetori 2021, përveç kritereve të përcaktuara me UA për akreditim, bartësit e programeve që hyjnë në proces të akreditimit në nivel BA/BSc duhet të kenë të paktën 1 (një) publikim shkencor të indeksuar nga fusha e studimit/programit, ndërsa në nivelin MA/MSc duhet të kenë së paku 2 (dy) punime nga fusha e studimit/programit në revista shkencore të indeksuara si autor i parë apo korrespondent, sipas nenit 3, pika 1.1 WEB OF SCIENCE koleksioni bërthamë (SCIE, SSCI dhe AHCI), apo 1.2 SCOPUS, duke përfshirë revistat ose shtëpitë botuese të dyshimta sipas UA 01/2018 të aprovuar nga MASHT, KSHC ka konstatuar se Mimoza Hana Pllana dhe Kamber Kamberi nuk plotësojnë kriterin e publikimeve shkencore sipas kësaj dispozite, ndërsa për Gentiana Muhaxherin është konstatuar se mungon nostrifikimi i diplomës së doktoratës.

Bazuar në faktet e prezantuara më sipër dhe dispozitat ligjore të sqaruara më lartë, KShC vendosi që në mungesë të stafit adekuat, siç kërkohet me UA për akreditim dhe me vendimin e KSHC-së nr. 3236/21D, të refuzojë aprovimin e aplikacionit për programin e studimit Master në Albanologji, MA, 120 ECTS.

- **Për programin Eko-Nanoteknologji, BSc, 180 ECTS**, institucioni ka paraparë si bartës të programit: Agon Kokaj (PhD në Shkenca Teknike), Melinda Mulaj (PhD në Arsim të mësimdhënësve dhe shkencave të edukimit), Zeqir Hashani (PhD në Biologji), dhe Lulzim Zeneli (PhD në Kimi).

Sipas Nenit 26, pika 5.3.4 e UA për Akreditim, kërkohet që: “Për programet e studimit të cilat shpijnë deri tek marrja e një diplome shkencore Bachelor dhe Master, kërkesat për stafin akademik janë që për çdo

grup të studentëve (të përcaktuar sipas statutit të IAL) dhe për çdo 60 ECTS kredi të programit të studimit, institucioni duhet të ketë të paktën një (1) staf me marrëdhënie të rregullt të punës me titull PhD nga fusha e programit të studimeve".

Pas verifikimit të dokumentacionit ashtu sic është përcaktuar me Udhëzimin Administrativ 15/2018, KShC ka konstatuar se titulli PhD i bartësit Melinda Mula nuk përkon me fushën e programit të studimit, kurse bartësi i programit Agon Kokaj nuk plotëson kriterin e publikimeve shkencore sipas vendimit të Këshillit Shtetëror të Cilësisë nr. 3236/21D të datës 21.09.2021 për plotësim e parimeve themelore të Manualit për Akreditim, pika 5.1 e tij, ku përcaktohet se: *Nga 1 tetori 2021, përveç kritereve të përcaktuara me UA për akreditim, bartësit e programeve që hyjnë në proces të akreditimit në nivel BA/BSc duhet të kenë të paktën 1 (një) publikim shkencor të indeksuar nga fusha e studimit/programit, ndërsa në nivelin MA/MSc duhet të kenë së paku 2 (dy) punime nga fusha e studimit/programit në revista shkencore të indeksuara si autor i parë apo korrespondent, sipas nenit 3, pika 1.1 WEB OF SCIENCE koleksioni bërthamë (SCIE, SSCI dhe AHCI), apo 1.2 SCOPUS, duke përfshirë revistat ose shtëpitë botuese të dyshimta sipas UA 01/2018 të aprovuar nga MASHT.*

Bazuar në faktet e prezantuara më sipër dhe dispozitat ligjore të sqaruara më lartë, KShC vendosi që në mungesë të stafit adekuat, siç kërkohet me UA për akreditim dhe me vendimin e KSHC-së nr. 3236/21D, të refuzojë aprovimin e aplikacionit për programin e studimit Eko-Nanoteknologji, BSc, 180 ECTS.

Këshillë juridike: Kundër këtij vendimi mund të paraqitet ankesë sipas Nenit 125 dhe 126 të Ligjit mbi Procedurën e Përgjithshme Administrative (Nr. 05/L-031, datë 25 Maj 2016). Ankesa kundër këtij akti administrativ i dorëzohet organit të Komisionit të Ankesave të AKA-së, sipas Rregullores nr. 2/2019, në afatin prej 30 ditëve nga data kur pala është njoftuar për aktin administrativ sipas Nenit 127 të LPPA.

Vendimi iu dërgohet:

- Universitetit të Gjakovës "Fehmi Agani"
- MASHTI;
- Arkivit të AKA-së.


Prof. Ass. Dr. Masnija Ilazi
Kryetare i Këshillit Shtetëror të Cilësisë

